

Broj: S-24-1/24  
Sarajevo, 7.5.2024. godine

**DOM NARODA PARLAMENTA FEDERACIJE BiH**  
n/r Sekretara mr.sci. Izmira Hadživdića

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

| Primljeno: 07-05-2024 |      |         |            |
|-----------------------|------|---------|------------|
| Org. jed.             | Broj | Priloga | Vrijednost |
| 05/2                  | -02- | 247     | 124        |

**PREDMET:** Odgovor na delegatsko pitanje, d o s t a v l j a s e

**VEZA:** Vaš akt broj: 05/2-02-247/24 od 24.4.2024. godine

Ustavnom sudu Federacije Bosne i Hercegovine je delegatkinja Doma naroda Parlamenta Federacije Bosne i Hercegovine Miomirka Melank, uputila delegatsko pitanje u kojem traži da joj se dostave sljedeći podaci:

- Koliko je bilo zahtjeva za ocjenu ustavnosti odluka Skupštine Kantona Sarajevo i odluka Vlade Kantona Sarajeva u periodu od 2019. godine do 24.4.2024. godine?
- Koliko je presuda Ustavnog suda Federacije Bosne i Hercegovine doneseno u predmetima koji se odnose na Skupštinu Kantona Sarajevo, a koliko koje se odnose na Vladu Kantona Sarajevo?
- Koliko je tih presuda u tom periodu implementirano?

Kako je gore navedenim aktom i traženo, na postavljeno pitanje dajemo sljedeći

### ODGOVOR

Ustavni Sud Federacije Bosne i Hercegovine, ostvarujući svoju Ustavom Federacije Bosne i Hercegovine utvrđenu funkciju, rješavao je predmete iz svoje nadležnosti po postupku utvrđenom u Zakonu o postupku pred Ustavnim sudom Federacije Bosne i Hercegovine i Poslovniku Ustavnog suda Federacije Bosne i Hercegovine.

U periodu od 1.1.2019. do 24.4.2024. godine, a u odnosu na predmete u kojima je stranka u postupku Skupština Kantona Sarajevo zaprimljen je ukupno 21 zahtjev, dok je zaprimljeno ukupno 2 zahtjeva u kojima je stranka u postupku Vlada Kantona Sarajevo.

U naprijed navedenem periodu, u predmetima u kojima je stranka u postupku Skupština Kantona Sarajevo doneseno je 8 presuda, 7 rješenja i 3 mišljenja dok su 3 predmeta u fazi pripreme za rješavanje.

U odnosu na Vladu Kantona Sarajevo kao stranku u postupku donesene su ukupno 2 presude.

Kada je u pitanju izvršenje odluka Ustavnog suda Federacije Bosne i Hercegovine, upućujemo Vas na odredbe člana IV.B.3.c)(I) Ustava Federacije Bosne i Hercegovine i člana 61. Poslovnika Ustavnog suda Federacije Bosne i Hercegovine („Službene novine Federacije

BiH", br.: 40/10, 18/16 i 26/23), prema kojima Premijer Federacije Bosne i Hercegovine, između ostalog, ima i obavezu da osigurava izvršenje odluka sudova Federacije.

Postupajući u skladu sa odredbama člana 61. Poslovnika Ustavnog suda Federacije Bosne i Hercegovine, Ustavni sud Federacije Bosne i Hercegovine prati izvršavanje svojih odluka, te u odnosu na period od 1.1.2019. do 24.4.2019. godine raspolaže sa informacijama o izvršenju odnosno neizvršenju odluka, dostavljenih od Premijera Federacije Bosne i Hercegovine. Na osnovu tih informacija, a u odnosu na predmete Vašeg interesovanja, doneseno je ukupno jedno rješenje o neizvršenju presude koje se odnosi na Vladu Kantona Sarajevo.

U skladu sa odredbama člana 61. stav 7. Poslovnika Ustavnog suda Federacije Bosne i Hercegovine, Ustavni sud Federacije Bosne i Hercegovine je o svim neizvršenim presudama ovog Suda, radi razmatranja i poduzimanja odgovarajućih mjera, obavjestio nadležno tužilaštvo, u konkretnim slučajevima Federalno Tužilaštvo Federacije Bosne i Hercegovine.

Napominjemo da nakon donošenja rješenja o neizvršenju gore navedene presude, Ustavni sud Federacije Bosne i Hercegovine ne raspolaže podacima da li je neka od navedenih presuda u vezi kojih je doneseno rješenje o neizvršenju, u međuvremenu izvršena.

Isto tako, treba imati u vidu da postoje odluke Ustavnog suda Federacije Bosne i Hercegovine u naprijed navedenim predmetima, u kojima nije utvrđena povreda Ustava Federacije Bosne i Hercegovine, te se i ne može postavljati pitanje njihovog izvršenja.

S poštovanjem,

Predsjednica  
Ustavnog suda Federacije  
Bosne i Hercegovine

  
**Martinović Aleksandra**



**Dostaviti:**

- Naslovu;
- U spis.